

BizUP Goes Local:

Otvoren poziv za učešće preduzetnica sa područja Doboja i Žepča

Nakon uspješno implementiranih sedam izdanja BizUP programa, **Fondacija 787** u saradnji sa **Gradom Doboju i Općinom Žepče**, te uz podršku konzorcija **Caritas Švicarska - Niras** u sklopu projekta "Lokalni ekonomski razvoj u BiH", objavljuje poziv za treće izdanje "**BizUP Goes Local**", programa podrške mikro i malim biznisima koje vode žene sa područja dvije navedene jedinice lokalne samouprave.

"BizUP Goes Local" je dugoročni program podrške koji će se implementirati u periodu od septembra 2026. godine do aprila 2027. godine, za grupu od 15 preduzetnica koje su svoj biznis osnovale u Doboju (10 preduzetnica) i/ili Žepču (5 preduzetnica). Cilj programa je obezbijediti podršku preduzetnicama pri prevazilaženju ključnih poslovnih izazova, savladavanju novih vještina i znanja iz različitih poslovnih oblasti, te samom unapređenju poslovanja i vidljivosti biznisa.

Odabrane polaznice programa dobijaju priliku za:

- učešće u online interaktivnim radionicama i predavanjima sa stručnjacima/kinjama iz različitih oblasti,
- individualnu mentorsku podršku sa ciljem poboljšanja poslovanja odabranih biznisa na osnovu potreba mapiranih nakon provedenog dijagnostičkog procesa,
- stručne konsultantske usluge eksperata/ica koji će se fokusirati na jačanje i rast biznisa,
- učešće na Female Founders Summit koji će se održati u aprilu 2027. godine, te
- dodjelu bespovratnih finansijskih sredstava u iznosu 6.000 KM po biznisu, za utrošak u skladu sa dogovorenim ciljevima u direktnoj vezi sa rastom poslovanja, te unaprijed definisanim kriterijima.
-

Kriteriji koji će se uzimati u obzir pri selekciji prijavljenih preduzetnica su slijedeći:

- biznis mora biti registrovan najmanje 12 mjeseci u trenutku apliciranja na području Grada Doboja u bilo kojoj formi, ili kao osnovna djelatnost na području Općine Žepče,
- osnivačica/vlasnica ili većinska suosnivačica/suvlasnica biznisa je žena (bez obzira kojoj starosnoj skupini pripada),
- preduzetnica se suočava sa izazovima da samostalno dovede svoj biznis do tačke rasta poslovanja,
- preduzetnica ranije nije dobila finansijsku podršku od strane Grada Doboja,
- preduzetnica nije dobila finansijsku podršku od strane Općine Žepče u 2025. ili 2026. godini godini,
- preduzetnica koja dolazi sa područja Općine Žepče ima izmirene direktne poreze i doprinose,
- ukoliko su ispunjeni prethodni uslovi, prednost se dodjeljuje biznisima koji imaju element inovacije i/ili je moguće identifikovati potencijal za brz rast poslovanja, te biznisima koji imaju društveno odgovornu komponentu tj. doprinose zajednici, biznisima koji posluju u ruralnim i slabije razvijenim mjestima, te biznisima gdje je izražena spremnost preduzetnice da se aktivno posveti učešću u cjelokupnom programu.

Većina programa će biti realizovana u **online formatu**, uz izuzetak povremenog prisustva na aktivnostima uživo počevši sa uvodnom aktivnošću planiranom za septembar 2026. godine. Učešće odabranih polaznika je besplatno, a od učesnica se očekuje da će nastaviti svoje poslovanje minimalno 12 mjeseci nakon završetka programa.

Rok za prijavu je do **10.08.2026. godine (do 17.00)**, a prijave se šalju isključivo elektronskim putem popunjavanjem ovog prijavnog [obrasca](#). Nakon zatvaranja prijava i procesa predselekcije preduzetnice koje budu zadovoljile kriterij za naredni krug selekcije će biti pozvane na online intervju.

Fondacija 787 već dvanaest godina pruža podršku preduzetnicima i preduzetnicama iz cijele BiH kroz brojne programe usmjerene na razvoj biznisa, inovativnih ideja i jačanje prisutnosti na inostranim tržištima. Kroz svoj rad Fondacija 787 za cilj ima i zagovaranje dobrih praksi, kao i predlaganje niza aktivnosti i procesa kako bi se stvorila što uspješnija klima u preduzetničkom ekosistemu u BiH.

***Napomena:** U okviru svojih programa, Fondacija 787 nije u mogućnosti da podržava poslovne aktivnosti koje uključuju prodaju alkohola, duhanskih i srodnih proizvoda i pružanje usluga igara na sreću.

Za sva dodatna pitanja u vezi sa programom možete nas kontaktirati putem sljedećih kontakata:

- Fondacija 787: Hajrudin Solak – hajrudin@f787.ba
- Grad Doboje: Alen Božičković - a.bozickovic@doboj.gov.ba
- Općina Žepče - Branka Janko - razepce@gmail.com